

重修介休縣志序

甲戌春介休新志既成其文崇  
雅黜浮默寓扶救之意史才也  
而學識無之矣蓋縣之得名以  
其山山之得名以其人自介之  
推後若郭有道文潞公代有興

序

起古今移風易俗全賴前型矜  
式以啓迪於後然則邑乘之脩  
其所關於官斯民斯者詎僅操  
三寸不律漫為登削云爾耶欲  
使見之者共勵姪脩而寓以化  
導之意斯善矣邑宰徐君慨前



志之湮蕪重為增訂未及成書而引疾以去陸君寸園蒞任茲土公餘之暇旁搜博訪踵而成之二公之志存經濟以化民成俗為已任者若合符節將見政治日新風俗日上觀風土而知

序

二

習俗之恒觀人物而知前賢之訓觀官蹟而知居官之宜後之居斯土蒞斯民者皆將於此志乎是賴余於壬戌甲子兩權汾郡茲之來又逾五年每見介之俗慕義而循禮甲於郡屬而好

聖天

為浮夸時所不免尚賴守土者  
善為化導邑之士君子立之標  
準以仰副

子敦本崇實之意追踪于前賢  
必有攀郭躋文而節義事功之  
無懋者是誠余之厚望也夫


序

三

嘉慶十九年歲在甲戌暮春之  
初

誥授朝議大夫知汾州府事滄州

葉汝芝撰



序

志與史體裁同而立法異史為一代  
垂典章志為一邑具文獻分門別類  
毋鑿毋誇大小判而其例同也至於  
臧否人物筆削維嚴一切大奸大佞  
臚列之不稍假用昭信史而志則善  
善從長凡行誼之不齒於鄉者概黜

序

弗錄漆園所謂邱里之言合十姓百  
名以為風俗於屏棄之中寓懲創使  
里社後生知所鑒戒非隱惡而仍無  
溢美也則志特與史參異同亦豈遽  
變其例哉癸酉秋余由壽陽量移茲  
土號稱繁劇溯自隨會食采以來地  
日闢國日強巖壑鍾靈達人代起公

餘求介子之田謁有道之阡尋鄂國之壘訪潞公之間縱覽版圖橫汾劃其北縣岐擁其南河山表裏依然帶礪盟存而蟋蟀杖杜之流風已渺不可復問矣日進邑父老為詢利弊議廢興而舊令尹徐君首以邑志閱四十餘年不加修茲採訪已集曾屬

序

二

前任熊公兆占草未就經裁定者僅十之三事中輟殊耿耿於心為余告夫介比戶素封文物聲名甲於并冀處易成之地謀當輯之書余不敏幸踵徐君後敢不亟圖卒業爰邀陽曲鄭孝廉起昌會稽陳明經廷球仍偕熊公取通志府志諸載籍日夕討論

校讐補其未備整其未釐瑣者併之  
混者剖之得卷十四繕請郡伯葉  
仲田先生閱定謬蒙許可囑再為搜  
羅藻飾徐君旋起病來晉復與考訂  
增益遂成是編已卯秋付剞劂焉余  
維輿地記載之古莫如李吉甫所著  
元和郡縣志而後賢猶譏其缺漏他

序

三

若剡錄齊乘舉重宋元迨乎有明偏  
隅各叙其畧論者獨推朝邑志為絕  
作次武功以其義例分明條目該括  
能以少許勝多耳是編因陋就簡何  
能盡刪繁蕪悉除勦襲上希史家之  
秉筆而為縣上搜軼事泠曲拾舊聞  
參互裨官折衷月旦即有古今聚訟

存而不論論而不議卒未嘗逞臆斷  
焉書缺有間矣其視史大同小異有  
當於志乘立法與通人博士之考證  
與否則皆余之所不計也是為序  
嘉慶二十四年歲在己卯八月既望  
知介休縣事桐鄉陸元鋹撰



序

四

原序

志以紀往徵今也介志四十年來猶仍其舊沿革數易豈足爲文獻徵哉余夙志纂輯媿立面牆二十六年得王君一魁志草乃十九年以前者至二十七年夏余敬以其事授學博陳君翔鸞適學憲辟主書院不得卒其業未幾又量移徽州別駕去雖聊亦具草而討論未及抑何難哉余不得已於暇日取舊志洎王陳草謬加刪定卽事分類彙成一編大抵據覩聞爲實錄耳何恤乎短淺何計乎知罪萬厯庚子三月渭南史記事撰

介休縣志

原序

之春秋沛公入關蕭何收秦典籍知四方阨塞錢穀甲兵司馬遷易編年爲本紀世家列傳書表

昭代遴選辭臣纂修一統志溥海內外凡省府州縣之志責之有司討論維謹填承乏茲邑際會同文之治網

羅遺編咨詢故老拾遺補闕彙輯成書載稽班掾前漢書迄宋遼金三史之職方考及山海經水經注郡國志括地諸書皆地志也而旁通事文鳥獸草木與國史相表裏前哲云史職史才史學曷曷乎難哉先是明經侯詔封因後先舊志經緯起草今明經王之舟采遠近見聞蒐羅補苴孝廉降緯考求訂正填裁定潤色樂觀大

成焉於戲墳典邱索雖邈矣無存而左國史漢猶粲焉  
可覩東壁西園固忝生花之筆石渠天祿尚希稽古之  
榮遂共爲一書洵文獻之足徵各宣其力抑名實所具  
瞻也康熙三十五年丙子秋月榆陽王埴撰

余旣蒞介之明年政簡俗誠邑紳僉以修志請謂自榆  
陽明府纂輯以來七十有餘載缺焉未續大懼典型失  
墜故老彫殘後世徵信爲難也余以謏陋自維弗勝顧  
一邑文獻之垂所繫綦重職在有司雖欲辭之不可於  
是酌諸舊乘參以郡志通志與廣文雷李兩君爲之發  
凡而起例又訪求遺彥淹貫典墳者得梁明經杰王茂

介休縣志

原序

二

才佑任文學大庾茹參軍綸常相與採拾見聞討論故  
實至今春屬草初就呈之郡侯孫公以爲體裁弗踰於  
此宜芟蕪潤藻勒成一代之典以昭示來許因於公餘  
之暇復攄胸臆訂訛補遺自夏徂秋而後卒業乃付梓  
間嘗論之志之所重者首惟良吏次卽名賢有良吏則  
俗易風移有名賢則可傳可法他若山川貢賦城郭井  
疆不過按籍書其成迹無足動流連慨慕之思而介自  
秦建縣迄於今茲志中所載卓卓不可磨滅者宰官在  
晉惟魏昌賈公在明惟渭南史公人物於漢則郭有道  
於宋則文潞公遙遙二千載屈指僅此數人餘或幸列

行間猝然詢之漫不省記嗚呼稱名不朽之難而筆削之嚴亦可概見矣余承乏斯土風雨星好時虞一不得當則公餽之覆悔不可追惟我

國家休養既逾百年

今天子化周域外凡在民生罔不克遂邑在綏服之中匹夫匹婦或與禮讓敦節義不勞令長施爲自安帝則若余之手輯是編得積歲時而成者皆訟庭無事之明驗也他日輜軒下採固知此邑之風俗人心猶然唐虞三代之盛而文獻亦於是微邑紳其或以余爲不辜此請也歟乾隆三十五年歲在庚寅暢月旣望知介休

介休縣志

原序

三

縣事山陰王謀文自序於再思堂之西清

域中三大權史居其一而史才自古爲難志卽具史之體史難志亦難故雖隨時紀載要必洞悉民風周知得失凡沿革之由興除之用咸備焉斯爲善也介擅山河之勝自秦置縣以來或升爲郡或列爲州歷代掌故並稱要區我

朝仍明代之舊隸於汾州左控神京右通梁雍腹地之大邑也而四方商賈輻輳服物日就奢靡揆諸舊乘所載不禁爲之掩卷三歎要非宰官善政善教其能令風尚之遽復於古哉憶丁亥之夏冀寧觀察使徐公守太

原時報最入覲僕適遇於外朝問晉中吏治曰某也賢某也賢皆能羽翼上官布昭

聖化而我叅軍王君明達善斷今以才猷薦異日作宰官必稱良吏心竊誌之明年秋王公果量移我邑不數月里人至此者咸謂公下車卽繕城濬濠建復書院有善必獎雖窮丐不遺有惡必鋤雖大猾不懼麗服有禁游民知警此真能作民父母有善政善教之實者乃大爲桑梓慶而信徐公之言爲不妄己丑冬公纂志將成以僕謬當邑望特遣人乞數言弁首嘉命雖殷自慚謏陋應之恐不得當顧志載人文風俗之盛衰寓善善惡介休縣志

原序

四

惡之微意有關於治術非淺鮮竊願得附片詞爲幸溯邑志自蓮勺史公修於明季萬曆庚子泊榆陽王公葺於

昭代康熙丙子一則約而該一則博而詳二公在我邑無廢弗舉志乘猶切蒐羅苦心至今文獻是賴我王公系出陽明先生之後文章政治並有淵源我知案牘之餘廣徵博採運以班掾之筆凡民風得失沿革興除必粲然而皆備非特繼蓮勺榆陽兩公而上之而史才於是乎見而大權亦於是乎在僕歸里有日將登堂而卒是編之業并樂觀政教之成也是爲序乾隆三十四年

歲在己丑長至後一日

詔舉經學

誥授中憲大夫詹事府少詹事兼翰林院侍讀學士國子監祭酒邑人梁錫璵撰

介休縣志

原序

五

介休縣志凡例

介休舊志修自乾隆庚寅迄今四十餘年事以時增缺而未載茲羅採縣事詳加訪覈續爲此編凡城郭之修治壇廟之建設職官之歷任選舉之姓氏賦役之更易人物之顯榮與夫孝義節行之可風者汰其太繁益所當載不敢誇多門靡亦不敢語焉不詳所有凡例條次於左

一分野爲修志之始事然星一度畧當三百六十里介維葢爾何能相徵或謂參井或謂觜參終多指駁故分星仍遵舊志惟徵引過繁爲刪其泛濫以便觀覽

介休縣志

凡例

一

一介休沿革自漢以來倏郡倏州變易靡定舊志徵引頗詳爲徧參史志畧加增減至虞夏商三代屬并屬冀經史鮮徵故不復載

一疆域門舊志分類太多今將村鄉堡寨合爲一門祥異兵氛合爲一門衢巷坊表市集皆附於城池之後以免瑣碎

一塚墓舊志附於壇廟之下今移次古蹟後以歸一律職官中德政卓然者旣爲序其大凡列於宦績其或歲月久遠口碑猶在而實蹟難稽或悃悞無華不事更張而慈祥共戴皆於職名下註明以見不沒人善

之意

一舊志有孝義而於忠節文苑不立專門茲爲補出蓋忠孝皆生人之大節而文章亦經國之大猷均宜專列以昭鄭重

一所載人物孝義有自爲傳者有不自爲傳而附見者各相其宜爲之從史法也

一人物門例不爲生者立傳而孝義列女則不盡拘此例蓋孝子節婦生前皆得請旌義行則事有實據善善從長固可節取無待統計其生平也

一四十餘年來列女甚多苦節幽貞實堪維係風化故

介休縣志

凡例

二

廣徵博訪備爲登記至於境當困約奉養舅姑孝蹟彰著雖非苦節亦徵懿行在男子猶蒙旌獎豈巾幗反不表揚漢書所載列女不必盡係矢志栢舟者也故孝義之婦亦爲收錄以昭史法

一舊志所載人物孝義列女語多繁冗特爲刪汰使歸簡淨至於事實人名概不敢沒

一所載人物唯直書其實至於私褒溢美斷不敢出一封廕志體但載祖父不載本身緣本身已詳選舉仕籍兩門不應重述至妻從夫爵亦無庸更著其姓以爲貴

一舊志於選舉後附列例貢茲查其由廩增附生出身者登之其業經出仕及議敘職銜者則於仕籍中注明亦不復登載以免重出

一仕宦由科甲出身者其官階卽注於科甲之下由貢監吏員出身者皆列於仕籍惟訓導一官出身必由廩生與他官稍殊故仍列於選舉門

一仕籍門由貢生出身者皆爲注明監生吏員則不復注

一仕籍一門原以志官階也其年次之先後勢難遍稽舊志所分總不免凌亂茲首列京職次列外官以爵

### 介休縣志

凡例

三

秩爲序而年次則不復論

一 所載藝文必與邑地相比切否則泛而無當也故凡舊志所有奏疏詩序及泛常酬答之作悉刪去之

一 藝文有舊志勿備而應載者則爲補入或見於舊志或作於當道而文未雅馴亦不復載

一 逸聞瑣事舊有雜志茲採摘諸書稽之近事稍爲增入以資談故

介休縣志

鑒定

汾州府知府 葉汝芝

纂修

前任介休縣知縣 徐品山

介休縣知縣 陸元鏞

總校

汾州府教授 李發英

分輯

介休縣儒學教諭 王廷幹

介休縣志

介休縣儒學訓導 王之藩

督刊

介休縣典史 陳聖壙

叅訂

丁卯科舉人 賈凌章

庚午科舉人 侯樹屏

校對

候選布政司理問附貢生 李仙華

候選鹽大使附貢生 溫 暉

採訪

恩貢生候補教諭 趙雲翔

廩膳生員 侯枚謙

廩膳生員 岳壽漳

廩膳生員 郭在岐

廩膳生員 李廷蘭

增廣生員 劉尚綱

附學生員 李季昌

附學生員 郭維新

附學生員 郭正宇

附學生員 宋上珍

介休縣志

總理

候選布政司經歷 李城

內閣中書癸卯科舉人 梁譽佐

候選布政司理問加二級 侯志勤

候選布政司經歷 張映垣

候補兵馬司正指揮 李白山

候選守禦所千總 胡廷弼

候選府同知 張應恒

續校

候選布政司經歷 梁叔咸